

定邊縣志

藝文志卷十三

前令徐觀海論曰文以載道一邑之掌故寄焉定邑僻處邊隅無
名山大川供學士之制作即名公鉅卿憑軾而過率以塞雲邊月
為愁苦之境多有擱筆者士生其間歷代厭於兵革鮮能援古證
今扶輪大雅蓋地使然也

聖天子文教覃敷駸駸乎日臻於盛將必有名世者與關中競美
焉錄條議詩文如干首亦以其有關一邑之故非徒以尚文也併
錄碑記俾知各工創建興修之概耳

定邊縣志

卷十三

藝文志 條議

條議

漢

虞詡議復三郡疏臣聞子孫以奉祖為孝君上以安民為明此高
宗周宣所以上配湯武也禹貢雍州之域厥土惟上且沃野千里
穀稼既殷又有龜茲鹽池以為民利上郡龜茲縣有鹽官水草豐美土宜產
牧牛馬銜尾羣羊塞道北阻河山乘院據險因渠以溉水春河漕
用功省少而軍糧饒足故孝武皇帝及光武築朔方開西河置上
郡皆為此也而遭元元無妄之交眾羌內潰郡縣兵荒二十餘年
夫棄沃壤之饒損自然之財不可謂利離河山之阻守無險之處

難以爲固今三郡未復安定北地郡圍陵單外而公卿選懦容頭過身
解設難但計所費不圖其安宜開聖德考行所長

明

張鍊鹽法議夫食鹽山澤自然之利天下所以養民也上古無徵
近古薄徵以佐國用要在先不病民而後利國爲可貴耳關中食
鹽一出於河東一出於花馬池一出於靈州一出於西章去三輔
絕遠專供靈夏洮岷西北兵民之用無容議矣花馬池鹽北供延
慶平三府寧榆二鎮南與河東鹽並行於三輔關河東鹽上下公
行謂之官鹽花馬池鹽私相貿易謂之私鹽民間便於私鹽不便

定邊縣志

卷三

文志

雜錄

二

於官鹽者百年於茲矣必欲行河東官鹽其弊有四蓋行鹽郡縣
各有分界所司徒知紙上陳跡河東鹽行三省不可越籍若究其
實在山西河南未知何如其在關中自長安以西河東美鹽絕跡
不至間有至者皆泥滓苦惡中人不以入口惟耕夫寡婦匿勉食
之計其所售無幾也名雖謂行其實未嘗行之一也往來商人慮
惡鹽不售告發郡縣使所在輦運外加糠鹽包封印計之及以給
民封者自佳輦者自惡隔戶分鹽畏如飲鴆計賤徵價峻於正稅
今雖暫止旣爲故事恐不能已二也商人賣鹽與販夫隨以小票
鹽盡票不收毀官鹽不至西路則無票無票則通責店肆負販細

人請東路自買未毀之票繳官公人亦幸得免責不問由來互相欺抵三也賈買票日久奸人依式私製盜賣僥倖者冒利敗露者破家雖有所禁迄今未已四也必欲禁花馬池私鹽其弊有五關中民貧衣食驅遣賦稅催切罄家所有走北地販鹽冀倖斗升之利一爲公人所獲則身入陷阱家計盡空一也貧人旣爲囚禁內無供餽冬月多斃於獄考驛遞囚販鹽徒居半死者又居強半民命可恤二也小販懼捕結聚大夥經山谿險要偶遇公人勢強則抵敵勢弱則冒險奔迸投崖落澗人畜死傷塗地三也公人與有力慣販者交關終歲不捕反爲盜護惟單弱貧瘠者捕之或以升

斗惡鹽強人路人篋袋執以報功使無辜受害四也衆役工食悉有定例惟巡捕工食私幫公費歲增十倍官吏比銷徒御勞瘁動經時月候文曠職旅食空囊或罰或貸俱爲無補五也夫物力不齊物之情也好美惡趨利就便民之情也所欲勿聚所惡勿施哀多益寡因俗成務司國計者之情也以物力言河東舊商帶支坐困新商超納無幾澆駟徒勞增課未減公私俱稱歎矣河東一池雖差大供三省則不足花馬二池雖差小供三郡二鎮則有餘自然之勢也以人情言河東鹽百方督之使行至以泥沙勒售假禁甘罪而終不能行花馬池鹽百方禁之使不得行至於比屋破

產接踵喪生而終不能禁者民之大欲大惡不可強也以國計河東歲課一十九萬有奇花馬二池歲課不盈數千河東鹽一引三錢有奇二池鹽一石六分有奇如是相懸者意河東與天下六運自祖宗朝俱有定額由來久遠二池迫近塞垣棄取不時故課亦微渺後來因循取足原辦而止耳夫河東鹽既不能及遠二池鹽卒不能禁民間又不可一日無鹽而盜與盜賣終非常理今當直開二池鹽禁使西鳳漢中沛然通行計三府所當常食河東鹽一十二萬有奇歲課卽照河東黃三府代辦以其事權統歸河東巡鹽御史則遠觀無異督禁有程兩地歲徵四鎮年例保無纖夾而

則中可少事矣夫圯害者擇其寡與利者取其多儻今不池二池鹽禁則愚民被逮供餽爲費奸人騙詐爲費兵民歲增工食爲費官吏比銷爲費一切顯隱猥雜不可會計財足抵河東花馬二池正課出於千瘡百痛徒然費之而下殘民命上損國體又餘殃也儻今一池二池之禁則愚民被逮供餽可省罪贖可省奸人騙詐可省歲增工食可省官吏比銷可省一切顯隱猥雜下可會計財足抵河東花馬二池正課出於不識不知漠然省之而下活民命上全國體又餘福也夫人情不甚遠比聞鹽法侍御皆一時英碩表表長者使其聞見悉如關中人習知其利害則亦何

憚而不爲良處哉但其受命而來也惟以行官鹽禁私鹽爲職而反是則駭矣地非素履事未前聞雖聖人有所不知者何可遽望改易其常耶雖然安國家利百姓大夫出疆義也究理從長議政從便人心不昧因革有時此又關斯民之幸不幸也

至復整飭邊備疏延綏東自黃河岸府谷堡西止定邊營接寧夏花馬池東西縈紆二千餘里而多險隘境外臨邊無有屏障止藉墩臺城堡爲守備舊城堡二十五處參差不齊烽火不接北面沿邊一帶墩臺稀疎空濶難以瞭望臣等計議府谷等十九堡俱係極邊要地必增置挪移庶幾可守府谷堡移出芑州舊城東村堡

定邊縣志

卷十三

藝文志

條議

五

移出高漢嶺響水堡移出黑河山土門堡移出十頃坪大兔鷓堡移出響鈴塔白洛城堡移出甌營兒塞門堡移出務柳莊不惟東西直對捷徑而水草亦各利便內高家堡至雙山堡榆林城寧塞營安邊營定邊營相去商適合於各該交界地名崖寺子三眼泉柳樹溝瓦筒梁各添哨堡一座就於隣近營堡量撥官軍哨守又於安邊營起每二十里築墩臺一座共十座連接環縣俱於附近官軍量撥守瞭北面沿邊一帶空遠者各添墩臺一座共三十四座隨其形勢廣其規模庶幾墩臺稠密營堡聯絡而緩急易於策應矣

余子俊邊務疏先該臣等議得定邊新興安邊永濟四營堡俱係平漫沙漠去處難以打墻挑壕軍馬難於出入及鎮靖堡已行奏准挪回塞門今定邊等四營堡俱各挪移就險但定邊營接連寧夏花馬池營合當照舊不動止將新興堡挪於迤南古跡海螺城安邊營挪於迤南中由陂永濟堡挪於迤南上紅寺鎮靖堡不必挪回塞門到挪於迤北白塔洲口以守則固以戰則利其永濟安邊新興三處舊堡營房不許折動永濟新興城小常川輪撥官軍三隊安邊城大常川輪撥官軍六隊守護遇警或欲撲營按兵老家及把都河石勞池三山三堡俱係創設官軍數少又且全無器械及沿邊創修崖砦八百餘座器械亦無合當奏請頒給神鎗三千把以備戰守

揚一清修理邊墻疏延緩城堡據險寧夏甘肅河山阻隔賊難侵犯爲患猶幾惟花馬池至靈州一帶地里寬漫城堡稀疎兵力單弱一或失守寇衆拆墻入犯誠非細故成化時寧夏巡撫徐廷璋修邊墻二百餘里開濬溝壑一道延緩地方邊墻壞塹又得巡撫余子俊修濬完固北丁不復入套者二十餘年世平人玩邊備稍疎連年擁衆拆入我軍動輒失利一二年來寇復大舉攻陷清水營殘破花馬池上廬宸慮敕臣經理臣自慶陽直抵靈州一帶邊

墻城堡墩臺躬親閱視應廣集衆思始有定論其大要有四修濬
墻塹以固邊防增設衛所以壯邊兵經理寧夏以安內附整飭韋
州以遏外侵當務之急莫先於此伏見受降城據三面之險當千
里之蔽正統以來舍受降而衛東勝已失一面之險又輟東勝以
就延綏則以一面之地遮千餘里之衝遂使河套沃壤爲寇甌脫
巢穴其中而盡失外險反備南河此陝西北邊之患所以相尋而
莫之解也茲欲復守東勝因河爲固東接大同西接寧夏使河套
方千里之地歸我耕牧開屯田數百里用省內運及今將延綏寧
夏一帶邊防設法整敕賊來有以待之或數十年未敢輕犯我得
休養生息東勝之地未必終不可復也

涂宗濟邊鹽壅滯餉匱可慮疏延鎮兵馬雲屯惟賴召買鹽引接
濟軍需歲有常額往時召集山西商人承認淮浙二鹽輸糧於各
堡倉給引前去江南投司領鹽發賣鹽法疏通邊商獲利二百年
來未聞壅滯及至於今商人苦稱邊鹽不通引積無用其情甚苦
其詞甚哀細詢其故蓋緣江南鹽官失政恣肆漁獵弊竇多端如
邊鹽每引每包重止五百五十斤例也而彼鹽每引每包重至二
千五百斤人情孰不欲利誰肯舍多而就少乎是彼得利四倍而
邊鹽利少無人承買其困一也邊鹽堆積三四年發賣亦例也而

彼鹽朝中暮鬻無容堆積人情孰不急於趨利誰肯舍速而就緩乎是彼獲利捷徑而邊鹽遲滯無人承買其困二也鹽誌開載商鹽必挨單順序候鹽院委官盤掣而後發賣彼鹽不登單目任意中發既免守候之艱又無掣盤之費人皆樂趨所以邊鹽壅滯引不得售其困三也且彼鹽發賣執有小票聯槽販運江浙吳楚之間何處不到夫行鹽之地有方食鹽之人有限彼之餘鹽既已盛行雖有邊鹽尋無買主其困四也先年鹽法通行或邊商安於故土不樂遠涉則有南商來邊收買鹽引引亦無壅今小票便而得利廣孰肯驅馳數千里遐荒之路而買引乎近年以來塞上無南

商之跡矣邊商迫於官刑納粟中引無人承買齎之江南株守累月盤纏罄盡雖減價而不得售其困五也邊方淮鹽每引官價五錢并在彼加納餘價共七錢五分今江南價銀止得四錢四分是虧折本銀三錢一分邊方浙鹽每引官價銀三錢五分今江南價銀止得一錢六分是虧折本銀一錢九分然皆壟而後售共計淮浙二十二萬六千餘引虧短價銀五萬七千餘兩四五年間不能周轉及至還鄉債主逼索廢產賠償其困六也如此六蠹率由私鹽徧行小票通而官引滯所以山西之商忿折資本盡歸原籍土著之商力窮難支逃亡過半止餘見在數家號呼告退新鹽引目

節行催派并無一人承認三路鹽糧所藉以佐軍儲者盡化烏有
司餉者日夜皇皇束手無策邊事至此深可寒心夫三軍之爲國
家効力者恃有此月餉耳月餉之所以充足者恃有此鹽商耳今
南方鹽法阻滯商鹽不行鹽引不售鹽商不願赴邊納糧中引則
軍餉無所復出三軍枵腹荷戈何以責之竭力以禦意外之虞哉
伏乞敕下戶部從長酌議務使鹽法疏通邊餉充足無隳目前之
近永貽社稷之安熟敷利害覆請施行

國朝

姜國南酌釐湖茶并行邊茶疏茶法中馬故明舊有川茶漢茶湖

定邊縣志

卷十三

藝文志 條議

九

茶川茶自隆慶三年題改折價臣前有蜀省文移一疏業經覆議
行彼中撫接酌議開釐漢茶自萬歷十四年題改折價所有茶園
茶課見在催徵冊報每歲招商散引前往漢南及湖襄收茶轉運
官商對分以供招中耳顧漢南州縣產茶有限且層巖複嶺山程
不便商人大抵浮漢江於襄陽接買臣衙門據引給票照驗比以
湖襄水販店戶將茶斤貪圖價值專賣別省無引私販官商齎引
無從收買臣查故明舊例湖茶通行各商招畢隨將引單號簿行
湖廣實慶府轉發新化縣照引註定斤數多餘盡數抽稅該府仍
委府佐一員監收接管嚴加盤驗如有低假茶戶牙行一體究處

崇貞十五年題請在案今湖南茶法未能通行陝商統聚襄陽收買湖襄督催盤驗自不容已除漢中鞏昌兩刑官於湖茶照常盤驗外其襄陽收茶處所應請歲給官商引單號簿一冊於該府執對盤驗稽覈責有攸歸此所謂湖茶宜釐也至內地茶法故明嘉靖十五年御史劉良卿議酌西鳳等八府地方廣狹分派各府對半抽分照依時估定以價值商茶給商自賣外官茶價銀呈臣衙門計算或備軍儲迄萬歷十三年計小引茶西安行六萬斤漢中鳳翔行二萬斤今西漢二府尙行小商其對分官茶各交司中馬君廷寧等處道里遙遠茶法久已絕響矣臣擬於榆林神木二道定邊縣志

照舊小引例引茶百斤量入官茶三十斤額定每斤折價一錢三分報交延鎮官庫所過關津一體盤驗計榆林延二處可行茶二十萬斤則由榆林延以至寧夏俱可漸舉既以便民又復裕國此所謂邊茶宜行也蓋趨湖茶則商運速通邊茶則茶路廣斯實於目前茶法有裨者也

王廷弼屯政議古之實邊籌塞者莫不以耕屯爲首務故有地而無人謂之守平虛有人而無食謂之與禍居是必耕之者衆而後民多紅粟之陳邊無懸釜之懼卽遇軍興災告可免匱乏之憂又何有流離失所與弄兵潢池者哉頃奉戶部經理流民議修屯政

給資本寬賦徭制甚善而民甚便也但延榆綏三衛現荒屯地四萬二千一百餘頃皆處沿邊絕塞沙漠不毛初非平原沃野可以成賦中邦在昔止募商人輸粟於邊計其所輸而給鹽引商人僥其利招納貧民以事耕耘倉庾既盈地日墾闢兼有素裕之商又市粟屯民屯民者目不足而歲有餘者也春糶以十恒有不廢木之憂商之市者粟而穀踊矣穀踊而耕耨益勸矣迨至明季歲粟數金遂微銀而不徵粟商病而鹽政壞矣鹽政壞而屯地廢矣數十年來荆棘成林賦莫施今欲招一時饑饉之流民而屯久遷廢棄之邊地竊恐勢所難行而民亦未必稱便且流移者之去留

定邊縣志

卷十三

藝文志

條議

十一

恒視年歲之豐歉故園各有恒產非若兵戈失業之流誰肯棄故土而事荒屯莫若將此地畝聽土著之民自墾不在牛種之給與不給而在薄賦寬徭倘不照三年起科之限例則民樂於播種矣不遠數地方各官之功罪則官亦樂於招墾矣如有奸民棄熟就荒印緡以糜漏之條不數年間生聚招徠又安有失所之人與廢棄之地哉語曰藏富於民則國自富弭盜實邊莫善於此謹議

詩選

唐

張敬忠邊詞

五原春色舊來遲二月垂楊未掛絲只今河畔水開日正是長安
花落時

李益登長城

漢家今上郡秦塞古長城有日天長慘無風沙自驚當今聖天子
不戰四裔平

白馬城鹽州

城鹽州號鹽州城在五原原上頭蕃東節度終關布忽見新城當
要路金馬飛傳贊普聞建牙穿箭集羣臣君臣頰面有憂色皆言
勿謂唐無人自築鹽州十餘載左社舊表不犯塞盡牧羊羊夜捉

定邊縣志

卷十三

藝文志

詩選

七

生常去新城百里外諸邊忽驚來戍人惟此一道無烟塵夏曆
安誰復辨秦原暗通何處見鄜州驛路好馬來長安藥肆黃耆賤
城鹽州城鹽州鹽州未城天子憂德宗按圖自定計非關將畧與
廟謨吾聞高宗中宗世北鄙猖狂最難制韓公創築受降城三城
鼎峙屯漢兵東西互絕數千里耳鈴不聞邊馬聲如今邊將非無
策心笑韓公築城壁相看養寇爲身謀各握強兵固深澤願分今
日邊將思慕贈韓公封子孫誰能將此鹽州曲翻作歌詞聞至尊

于濟長城

秦王豈無德蒙氏非不武豈將版築功萬里遮胡虜聞沙世所難

作壘明知苦死者倍堪傷
僵屍猶抱柩十年居上郡
四海誰爲主縱使骨爲塵
寃名不入土

宋

范仲淹秋思 漁家傲

塞下秋來風景異
衡陽鴈去無留意
四面邊聲連角起
千障裏長煙落日孤城閉
濁酒一杯家萬里
燕然未勒歸無計
羌管悠悠霜滿地
人不寐將軍白髮征夫淚

明

唐龍出塞二首

定邊縣志

卷十三

藝文志

詩選

十三

五鼓嚴軍令
平明出塞行
青霄橫殺氣
白日振軍聲
野濶千營直
秋高萬馬鳴
單于皆遯北
不用築長城

鼓角川原振
旌旗日月明
屯兵紅石峽
斬將黑山城
血染芹河赤
氛收榆塞清
陰山應有淚
飛檄到神京

孫愼西巡邊

長城迢遞接虹霓
此日登臨信馬蹄
秦地河山連草合
漢家州縣入雲迷
旌旗高出青霄上
節鉞親持紫塞西
白愧儒冠膺重寄
願將方畧共封題

崔鑰塞上曲

鼓角聲喧塞日孤黃沙白草走單于大荒自古無分地指點而今
入版圖

國朝

吳炳來定邊將軍

榆關飛雪滿輕裘射獵曾同出塞遊沙淨旌旗連上郡風高笳吹
雜涼州別來蕭瑟空聞鴈客去羈離倦倚樓月近賀蘭人獨遠何
時燒燭看吳鉤

郭指南塞門行

勞擾干戈二十年羸身日走萬山巔朝隨輿綸過塞門暮同雀鷺

定邊縣志

卷十三

藝文志

詩選

十四

集注曰有妻有子添貧病心疆命弱空相鏡老親皤然爲我慰幼
兒啼餓向誰控去年洛濱移來此今年更入沙漠裏惟將書卷伴
春秋滿引濁醪消我愁君不見鷓鴣去後音書絕梓穀子房今亦
休人生萬事終歸盡只此榮名天地留

郭允升把都河道中二首

長城關外暮飛雲蕭瑟秋風鴈幾羣戍士牧兒頻借問只今誰是
李將軍 落日平沙接大荒蕭蕭衰草藉河隍受降城在今何處
此地空題古戰場

張偉次定邊

連山奔冥漢朔氣結雲黃漢月千秋古秦城萬里長
鴈眠沙草煖
鴈眠寒垣涼自昔兵戈地今爲耕牧方

王際有邊地吟

從來征戰地落落幾人家有日猶飛雪無風亦起沙
山城誰設市
牧卒強排衙更有淒涼處春深不見花

王士禎輓定邊劉守備殉節

河套南來花馬池嚴城一夕滿旌旗驚傳絕塞豺狼窟坐失三軍
熊豹姿恤譚孤魂留婦女成仁浩氣屬偏裨高牙大纛工翻覆請
視劉君墜淚碑

定邊縣志

卷十三

藝文志

詩選

十五

顧然定邊秋夜

暮上東城烽火樓漢家兵甲警防秋只今牧馬常西度夜月空寒
故壘愁

又塞下秋日

定陽秋嶺接風陰城下黃榆落葉深夜聽禁門歌唱發那知征客
倍傷心

吳瑞偕趙總戎錢笠菴司馬觀鹽池

天工施變幻斥鹵作清湖岸積千山雪池生萬斛珠薦盤思古事
褻筭笑山夫澤國同回首應知風味殊

吳與錢皆江南人

徐洪懿塞外詩

絕塞少人跡征鞍却問途
萬里隨地盡一鳥入林孤
到處天空濶不知春有無
行程何處宿鳴角起邊隅

張元弼塞外詩

昔觀滄海水今見塞垣煙
風過塵吹浪春蒸氣接天
馬蹄雲片起沙影月光連
遊覽平生志襟懷一灑然

永佑新秋漫興

初秋風雨暗城闌塞上秋
光莫比倫樹樹煙籠茅屋
小山山雲覆亂草勻到來
真不隨時熱老去何妨爲
仕貧性淡那知秋意冷無

定邊縣志

卷十三

藝文志

詩選

七

邊清興喜方新

葉鈇到延安日謁見張午莊
太守旋蒙枉駕見答卽成

短裘匹馬到延安陳榻親
登禮節寬豈有文章傾太
守又勞冠蓋下聞官廳賓
父老迎人間野店兒童駐
馬看十七年來彈指事故

人欣得復瞻韓

鈇在都中嘗見太守於朱文正公邸第

又塞山行

策馬纔過延水濱又隨鷓鴣
入重雲迴峯路似腸千折
絕壁人垂足二分去鳥影
連蒼藹沒飛流響過絳雲
聞登高頻覓驚人句回

首雕陰已夕曛

雕陰山在甘泉南

又靖邊道中

翠嶽盡重山萬綠無凝黛陟陰逾百尋已苦馬力殆奇峯拔地起
峭立絕芥蒂振策上高層鼓勇氣什倍峯迴露傑閣突兀聳天外
一線走蒼冥羣峯羅細碎饑鷹盤浮屠夕陽閃其背俯視疑有無
遙空互明晦吾生飽行役輪蹄信所屆忻茲捧檄遊恢奇得勝概
冥冥山霧重熠熠星芒大回首城兒窩地名烟波渺何在

又入定邊境口占

平沙踏盡馬蹄忙纔見荒城隱夕陽地近華離烟淡漠疆分夷夏

日昏黃

定邊縣志

古接壤胡笳韻合車鈴動

自寧條梁至定邊俱通

野店

定邊縣志

卷十三

藝文志

詩選

十七

寒飄毳幕涼花馬池邊重回首風流何處學江郎

又之任後邀同黃明府

浦

宋少府

謙

前署龔贊府

啓

宋協戎

鉞解

都關 聖易

宴飲卽事

相逢都是宦遊人喜向源頭作問津接物莫先嚴克己和衷自要

結同寅遲吟黃綬青雲句先判回身動手因

語林以回身作廉字解以動手作貪字解

予不負丞丞豈負峨松已遍牧龍濱

董彩虹夜半風止得雨

定邑午夏天旱夜得雨口吟

久切雲霓望濃陰傍晚時幸緣風暫息乃趁夜潛施頓解禾麻困

遺乘長養期深宵遙聽處仁愛仰天慈

又早從鹽場堡海眼取水是晚卽雨

此水傳靈異淵淵不大津凌晨纔禱雨入夜怡隨人少府宋君黎明取水晚卽

得赤子生鹽母 天朝救旱臣休爲漁利藪到處有明神

又連日身患熱疾

虔禱隨傷暑微軀曠廢多兩日未到顯因同位切邑侯赴郡少尹宋君朝夕進香

冥感 帝心和厚澤千山被公田萬姓歌繡衾身懶試喜雨效

東坡

宋謙甲戌八月四日同范邑侯掄策邀李廣文簡臣宋協戎鉞解

都岡聖易宋司廳大相李司廳成龍遊城北方家園集宴口占

定邊縣志 卷十三 藝文志 詩選 六

爽籟增涼八月天來遊且喜繼羣賢非關春禊多佳日爲慶秋

樂有年地取芳園聊遠俗身閒寸晷亦同仙此間桃李栽培久唐

有以芳園擬者會看瓊開月下筵

又重九日同范邑侯復邀諸公集宴中門樓卽事二首

同上高樓雅興長銜盃憑眺駐斜陽嵐凝遠寒煙光紫堞映平沙

日色黃鴈字書來雲篆古酒兵談罷菊英香題糕自古稱佳節各

把茱萸製錦囊

又折黃花當酒籌相逢人喜說重遊雲連北障龍沙峻簾捲西風

羊圈道園瀟倦羊圈山最道峻在邑之西南堪羨武功觀馬射何妨學士賦漁舟莫

將此會尋常視應識今秋勝去秋

又乙亥與黃邑侯分路編查保甲口占

保甲森嚴率舊章閭閻次第察須詳沙堤雨過行偏潤邊地風過沙塵滿目

是時多雨茹屋煙微遠似藏邑民多在山溝密居非歷其前屋舍不見猶若深藏自是編民

遷按戶行定章程十戶一牌十牌一甲頓教弭盜即安良驅馳鄉國甘勞瘁月旦

於今愧頌揚

又思位軒偶詠 二堂東軒為退憩之所額曰思位蓋取艮卦象

辭之義丙子歲謙在斯室增輯邑志

思惟素位理求禪無辱無榮作是觀世局如碁休亂着官場似戲

定邊縣志 卷十三 藝文志 詩選 五

且徐看居閒自得閒中樂守拙偏從拙處安每向公餘勤採輯從

知稱職大為難

又定民苦况凡四野產苦菜咸采食之邊外沙蒿成米曰登粟歲

歉輒以充饑鄉村水少而味甚鹵即鑿井亦十無一廿家各置

窖貯夏雨冬雪其中雖雜污穢而舍此無可為水冬月煨炕皆

牛羊馬糞臭氣亦所不計蓋習俗然也謙因分列其目詩以紀

之

苦菜濟貧

野產乘時秀闔閭采采嘗調知羹味苦餐覺菜根香問俗挑宜早

資貧願易償和甘逢歲稔此景未應忘

登粟療饑

未種能成粟天心愛育人論苗非上品充食亦忘貧穗比蜂窩近
形同芥子真救饑猶竹實應感彼蒼仁

水窖需飲

汲飲宜先務僉籌積水盈鑿泉嫌斥鹵置窖利瓶罍事共饑寒用
人忘雨雪并不須梅止渴會有化機生

煨炕禦寒

粟烈寒何禦人憑火炕支爨爨薪不繼煨喜焚常宜日暖晴窓候

定邊縣志

卷十三

藝文志

詩選

三

陽回運泰時總然春有象餘况許誰知

又謙取定邑之勝蹟爲八景各係以詩

南山積雪

縣治南山最峻山北雪積春融始消居民掃積水窖

需飲

突兀山形峻經冬雪障開天邊

祥光入座來應藏高尙土積水煮香醅

北塞層沙

塞外沙漠風捲層湧遂成陂隄

大漠颼時起長隄盡擁沙迴環山有跡飄逐浪生花雨過明如錦
晴餘燦若霞霜天長望處月下亂飛鴉

紅柳映岸 縣屬西南紅柳溝街北龍王廟前水溝舊時兩岸紅柳
郭遷映因爲地名

或是陳提柳栽來此地同連村疑杏媚夾岸訝桃紅折染啼襟血
風迴舞袖風地名今視昔一望艷陽空

古馬名池 靈壽城北有花馬六池本西秦牧地池產鹽前明天
城中復以鹽馬爲故名之

池也何名馬池開貿易通一泓光積雪千里影追風利牧傳秦伯
和戎紀魏公魚鹽昭畫一歲獻五花驄

磚井泉湧 磚井堡城西舊有古井磚甃因名堡井泉汲之不竭

定邊縣志 藝文志 詩選 三

不汲亦不溢其味甘美

井深經言汲邊城堡亦名澄泓泉既美甘冽取仍盈爲有源頭活
悅效微庶清醴庶致擬守口却如瓶

石峽流長 洛源出縣東南琉璃廟石縫中廟西北有白露天即
山滄經所云白於山水從此出經張千戶營與安花縣白豹川
河合流由保安請邊安塞甘泉各縣界又歷鄜州雒川中部宜
君壩州白水同州府澄城朝邑入河

邊道中流細細細細山帶帶迥古寺發源長別汲原名洛
歸河却是黃從茲放四海有本始無疆

奎星樓聳 城垣異方設奎星樓配合角樓樓三層巍然聳峙

危聳東城上奎光挾斗分幾層連紫氣百尺上青雲金碧凝朝旭

高寒倚夕曛地靈人自傑領袖寄斯文

元帝臺高 縣城北街建元帝廟額紫極元宮為南山乾溝水直

衝縣城遂倚北添建三天門復築崇臺鎮之形勢完固

紫極宮城北魏我殿宇開門還分上界閣亦在高臺瞻仰規模整

登臨氣脈培至今山水真人唱壤歌來

邑廩磨生蘇大顯琵琶城懷古

空餘馮齒隊山城狀若琵琶千載名指顧將軍桐柱在將軍山在琵琶城北

定邊縣志 卷之三 藝文志 詩選

低徊姊妹鐵鞭橫鐵鞭城開百戶城與琵琶城為鼎足之勢昔胡女姊妹三人分據之交相授應秋風天

外征鴻響暮雨河邊牧馬嘶暮雨城傍河在琵琶城北記得勝臺曾一曲當年

韓江戰功成男女三人後為宋范文正公韓魏公所